



МОНГОЛ УЛС
БАЯНХОНГОР АЙМГИЙН
ЗАСАГ ДАРГА

310 дугаар байр, Лувсанданжанцангийн
өргөн чөлөө 3, Номгон 1 дүгээр баг,
Баянхонгор сум, Баянхонгор аймаг, 64101
Утас:(976) 70443206,

Цахим шуудан: munkhsaikhan@bayankhongor.gov.mn
Цахим хаяг: www.bayankhongor.gov.mn

2022.12.09 № 101875

танай _____ -ны № _____ -т

Г АВЛИГАТАЙ ТЭМЦЭХ ГАЗАРТ Г

Авлигын эсрэг үйл ажиллагааны тайлан,
Авлигатай тэмцэх үндэсний хөтөлбөрийг
хэрэгжүүлэх 2022 оны төлөвлөгөөний биелэлт,
Дүгнэх хуудас, Сургагч багшийн ажлын тайлан,
төлөвлөгөөний биелэлтийг тус тус хүргүүлж байна.

Хавсралт ... хуудастай.

ДАРГА  Д.МӨНХСАЙХАН



605220601

**БАЯНХОНГОР АЙМГИЙН АВЛИГЫН ЭСРЭГ ОЛОН НИЙТИЙГ
СОЁН ГЭГЭЭРҮҮЛЭХ, УРЬДЧИЛАН СЭРГИЙЛЭХ АЖЛЫН
2022 ОНЫ ЖИЛИЙН ЭЦСИЙН АЖЛЫН ТАЙЛАН**

2022 оны 12 дугаар сарын 09

Номгон

Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөөг аймгийн Засаг даргын 2022 оны А/14 дүгээр захирамжаар батлуулан, орон нутгийн төсвөөс 2.0 сая/төг, Аймгийн Гэмт хэргээс, зөрчлөөс урьдчилан сэргийлэх салбар зөвлөлөс 7.700.000 мян/төг төсөвлөн 12 зорилтын хүрээнд 29 арга хэмжээ төлөвлөн, үр дүнг тооцон ажиллалаа.


Аймгийн цахим хуудасны ил тод байдлыг сайжруулах зорилгоор аймгийн орон нутгийн хөгжлийн сангаас 18сая/төг шийдвэрлэж “bayanhongor.gov.mn” цахим хуудсын хөгжүүлэлтийг бүрэн хийж ашиглалтанд орууллаа.

1.1. Авлигын эсрэг хууль тогтоомжийг иргэдэд сурталчлах ажлын хүрээнд:

Авлигын эсрэг хууль болон бусад хууль тогтоомжийг нэг мөр хэрэгжүүлэн ажиллах, авлига, ашиг сонирхол, албан тушаалын гэмт хэргээс урьдчилан сэргийлэх, түүнтэй тэмцэх зорилгоор Авлигатай тэмцэх газраас төрийн байгууллагуудын албан хаагчдыг соён гэгээрүүлэх сургалт зохион байгуулж, хамтран ажиллах талаар хүсэлт хүргүүлж, тус газраас “Авлигын гэмт хэргээс урьдчилан сэргийлэх ач холбогдол”, “Авлигатай тэмцэх чиглэлээр соён гэгээрүүлэх чиглэлээр үйл ажиллагаа явуулдаг олон улсын туршлага” сэдвийн хүрээнд төрийн захиргааны болон үйлчилгээний 53 байгууллагын дарга, удирдлага, төсөв санхүү хариуцсан 307 албан тушаалтанд сургалт мэдээллийг хийж, мэдлэг ойлголтыг дээшлүүлсэн.




-“Үйлчилгээний нэгдсэн төв”-ийн 8 албан хаагчдад “Ард түмэнд үйлчлэх зарчим ба авлига ашиг сонирхлын зөрчил”, “Төрийн албан хаагчийн харилцаа ба ёс зүй” сэдвээр, Аймгийн 20 сумын Засаг даргын Тамгын газрын дарга, Хууль эрх зүйн асуудал хариуцсан мэргэжилтнүүд болон 31 байгууллагуудын



дарга хүний нөөц, программ хангамжийн асуудал хариуцсан мэргэжилтнүүдэд **"Нийтийн мэдээллийн ил тод байдлын тухай хууль"**-ийн талаар мэдээлэл өгч танхимын сургалтыг нийт 104 албан хаагчид,

-АЗДТГ-ын Хяналт шинжилгээний үнэлгээний хэлтэстэй хамтран 19 сэдвийн хүрээнд 130 албан хаагчид зохион байгуулсан.


Авлигатай тэмцэх газрын Судалгаа шинжилгээний албаны даргаар ахлуулсан ажлын хэсэг тус аймагт ажиллаж удирдах албан тушаалтнууд болон Сум, байгууллагуудын 100 гаруй албан хаагчид сургалт зохион байгуулж зурагт хуудас болон постерыг түгээсэн.



Төрийн албан хаагчийн ёс зүйг эрхэмлэж ашиг сонирхлын зөрчлөөс урьдчилан сэргийлэх нь" захиалгат сургалтыг Баянхонгор аймгийн Засаг даргын тамгын газрын Цэргийн штаб, Төрийн аудит, Орон нутгийн өмчийн газрын 18 албан хаагчдад зохион байгуулсан.

Сум байгууллагуудаас зохион байгуулсан онцлох ажил:

Төрийн аудитын газар нь "Авлигын эсрэг хамтдаа байж зөв хандлагыг эрхэмлэе" уриа, байгууллагынхаа зорилгыг бичсэн түлхүүрийн оосор 175.000 төгрөгөөр бүтээж 50 ширхэгийг төрийн байгууллагуудын нягтлан бодогч нарт тарааж сурталчилсан.



Баянбулаг сум: Ерөнхий боловсролын сургуулийн багш нараар дамжуулан "Зөв шударга хүн байхын учир" сэдэвт сургалтыг зохион байгуулсан. Мөн авлигын эсрэг үйл ажиллагааг сурталчилсан богино хэмжээний шторк бэлтгэн 5 байгууллагыг Челленж-д уриалсан Долоодугаар цэцэрлэг: "Авлигатай тэмцэе" гарын авлага хийж 98 эцэг эхэд хүргэсэн. Авлигатай тэмцэх үндэсний хөтөлбөрийн хүрээнд боловсруулсан 5 цуврал шторкийг байгууллагын ажилчид болон эцэг эхчүүдэд хүргэж ажиллилаа.



Бөмбөгөр сум: Авлигаас урьдчилан сэргийлэх соён гэгээрүүлэх ажиллагаа сэдэвт 2 цагийн сургалтыг зохион байгуулж 15 албан хаагчийг хамруулсан. Мөн Авлига гэж юу вэ сэдвээр сургалт зохион байгуулсан сургалтын өмнөх сорил авахад мэдлэгийн түвшин 65 хувьтай байсан бол сургалтын дараа 85 хувьтай болж мэдлэг 20 хувиар сайжирсан.

Бүжгийн болон хөгжмийн багш нарын хамтарсан “Өөрчлөлтийг өөрөөсөө эхлээ” чөлөөт ярилцлагын сэдэвт сургалтыг иргэд нийтийн дунд зохион байгуулан 78 хүн хамруулсан. Ерөнхий боловсролын сургуулийн 9 дүгээр ангийн сурагчдад “Хувь хүний харилцааны соёл” сургалтыг зохион байгуулж 38 сурагч хамрагдсан.

Сум, байгууллагуудын дунд “Авлигын эсрэг манлайлал” аяныг жилийн хугацаатай зарлан хэрэгжилтэд хяналт тавин, үр дүнг тооцон ажиллалаа.

Аяны хүрээнд:

АТГ-аас ирүүлсэн телевизийн богино хэмжээний 14 шторк, хэвлэн олшруулах 6 төрлийн материалууд, ФМ, радиогийн 14 зөвлөгөө мэдээллийг сум, байгууллагуудад олшруулан хүргүүлж 69 байгууллагын 2000 төрийн албан хаагч, 5800 иргэдэд үзүүлж 1328



удаа олон нийтэд хуваалцсан байна. Мөн 73 групп, 61 пэйж хуудсанд байршуулсан. Мэдээллийн самбарт авлигын эсрэг үйл ажиллагааг сурталчилсан 14 төрлийн 64 зурган мэдээлэл, инфографик 183 ширхэг, 3 төрлийн гарын авлага 1873 ширхгийг олшруулж 5 мянга гаруй иргэнд тарааж тус тус сурталчилсан байна.




Төрийн 68 байгууллагуудын болон сумдын ИТХ-ын дарга нараас бүрдсэн нийт 2205 албан хаагчдаас авлига, ашиг сонирхлын зөрчил гаргахгүй байх талаар баталгаа гаргуулан хуулийн хэрэгжилтийг хангаж ажилласан. Мөн АЗДТГ-ын нийт албан тушаалтан болон сумдын ИТХ-ын дарга, Засаг дарга нараар авлигаас ангид байх баталгаа гаргуулан баталгаажуулж хувийн

хэргүүдэд нь хавсаргаж ажиллалаа.



Авлигатай тэмцэх газраас зохион байгуулсан “Зөв зөвд шударга зөв” аяны хүрээнд хамгийн олон сонсогчтой дэлхийн Монголчуудын MGL радиотой ТББ-тай хамтран ажиллах 2.332.440 төгрөгийн гэрээ байгуулан 1 сарын хугацаанд авлигын эсрэг радио зөвлөгөөг бэлтгэн MGL радиогоор өдрийн 6 удаагийн давтамжтай нийт 185 удаа, лед дэлгэцээр 600 удаа, фээсбүүк хуудсаар 165 удаагийн давтамжтай мэдээллийг тус тус хүргэсэн орон нутгийн телевиз болон аймгийн цахим, пэйж хуудсууд, лед дэлгэцээр дамжуулан нийт 101200 иргэнд хүргэж

ажилласан байна.



1.2.Шинээр батлагдсан хуулиуд болон болговсруулж буй хуулийн төсөл, бусад холбогдох хууль тогтоомжийн талаарх сургалт, хэлэлцүүлэг, сүрталчилгааны ажлыг зохион байгуулахад тухай бүр дэмжлэг үзүүлэх хүрээнд:

Авлигын эсрэг хууль болон бусад хууль тогтоомжийг нэг мөр хэрэгжүүлэн ажиллах, авлига, ашиг сонирхол, албан тушаалын гэмт хэргээс урьдчилан сэргийлэх, түүнтэй тэмцэх зорилгоор аймгийн Засаг даргын Тамгын газраас Авлигатай тэмцэх газарт төрийн байгууллагуудын албан хаагчдыг соён гэгээрүүлэх сургалт зохион байгуулж, хамтран ажиллах талаар хүсэлт хүргүүлж, тус газраас “Авлигын гэмт хэргээс урьдчилан сэргийлэх ач холбогдол”, “Авлигатай тэмцэх чиглэлээр соён гэгээрүүлэх чиглэлээр үйл ажиллагаа явуулдаг олон улсын туршлага” сэдвийн хүрээнд төрийн захиргааны болон үйлчилгээний 53



байгууллагын дарга, удирдлага, төсөв санхүү хариуцсан нийт 307 албан тушаалтанд сургалт мэдээллийг хийж, мэдлэг ойлголтыг дээшлүүлсэн.



Авлигатай тэмцэх газрын Судалгаа шинжилгээний албаны даргаар ахлуулсан ажлын хэсэг тус аймагт ажиллаж удирдах албан тушаалтнууд болон Сум, байгууллагуудын 100 гаруй албан хаагчдад байгуулсан.

1.3.Төсвийн орлого, түүний

зарцуулалт, гадаадын зээл, тусламж, түүний хуваарилалтыг олон нийтэд тухай бүр мэдээлэх ажлын хүрээнд:

Тухайн оны төсвийн төсөл зэрэг хагас бүтэн жилээр оруулах мэдээллүүдийг хуулийн цаглабарт хугацаанд Шилэн дансанд байршуулж, мэдээллийн ил тод байдлыг хангаж, олон нийтэд мэдээлж ажилласан. Мөн аймгийн www.bayankhongor.gov.mn цахим хуудасны шилэн данс цэсэнд тухайн жилийн төсөв, төсвийн гүйцэтгэл, аудитын дүгнэлт, зөвлөмж, орон нутгийн хөгжлийн сан, болон холбогдох бусад мэдээллийг тогтмол байршуулж байна.

1.4.Чиг үүргийн дагуу олгож буй зөвшөөрөл, бүртгэлийн үйл ажиллагааг ил тод, нээлттэй байлгах, олон нийтэд танилцах боломжоор хангах ажлын хүрээнд:

Аймгийн Засаг даргын 2022 оны 06 сарын 08-ны байдлаар архины тусгай зөвшөөрлийн хугацааг сунгуулах хүсэлт ирүүлсэн 180 иргэнээс баримт бичгийн шаардлага хангасан 158 иргэний тусгай зөвшөөрлийн хугацааг сунгаж, 22 иргэн, аж ахуйн нэгж байгууллагад шинээр олгож 2 иргэний тусгай зөвшөөрлийн нэр өөрчилсөн байна.



=Мөн түгээмэл тархацтай ашигт малтмалын

хайгуулын болон ашиглалтын тусгай зөвшөөрөл олгоход шаардлагатай баримт бичгийн жагсаалт бүхий өргөдлийн маягтыг bayankhongor.gov.mn цахим хуудсанд байршуулсан.



Боловсролын байгууллагуудаас энэ жилийн байдлаар тусгай зөвшөөрлийн хугацааг шинээр болон сунгах тухай хүсэл ирүүлээгүй болно

Бизнес эрхлэх орчныг бүрдүүлж, авлига, хүнд суртлыг бууруулах талаар авах зарим арга хэмжээний тухайд:

Орон нутагт бизнес эрхлэх таатай орчныг бүрдүүлж, эдийн засгийн сэргэлтийг эрчимжүүлж, төр, хувийн хэвшлийн түншлэлийг бэхжүүлж, коронавируст халдварт цар тахлын

нийгэм, эдийн засагт үзүүлж буй сөрөг нөлөөг бууруулах зорилтын хүрээнд хуулиар нутгийн захиргааны байгууллагаас тусгай зөвшөөрөл авахыг шаардсанаас бусад бүх төрлийн аж ахуйн нэгжийн үйл ажиллагааг хууль тогтоомж, стандарт, шаардлагад нийцүүлэн, зөвхөн татварын албанд бүртгүүлсний үндсэн дээр аймгийн нутаг дэвсгэрт чөлөөтэй эрхлэх нөхцөл, боломжийг 2022 оны 01 дүгээр сарын 01-ний өдрөөс аймгийн хэмжээнд олгож байна.

1.5.Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагааны ил тод байдлыг хангах, түүнтэй танилцах боломжоор хангах ажлын хүрээнд:

Худалдан авах ажиллагааны ил тод байдлыг хангах зорилгоор аймгийн Төсвийн ерөнхийлөн захирагчийн 2022 оны худалдан авах төлөвлөгөөг мэдээллийн самбар, орон нутгийн Баянхонгор ТВ болон хэвлэл мэдээллийн байгууллагуудаар дамжуулан олон нийтэд мэдээлсэн. Мөн www.bayanhongor.gov.mn сайт болон шилэн данс, Төрийн худалдан авах ажиллагааны "tender.gov.mn, байгууллагын мэдээллийн самбарт байнга байршуулан мэдээлсэн.

Мөн Орон нутгийн өмчийн газар нь 2022 оны төлөвлөгөөнд тусгагдсан төсөл, арга хэмжээний гүйцэтгэгчийг сонгон шалгаруулах ажиллагааг төрийн худалдан авах ажиллагааны нэгдсэн www.tender.gov.mn цахим системээр 100% амжилттай зохион байгуулсан. Нээлттэй



зарлагдсан тендерийн урилгыг үндэсний хэмжээний өдөр тутмын "Зууны мэдээ" сонинд тухай бүр нийтлүүлж, Төрийн худалдан авах ажиллагааны цахим систем tender.gov.mn-д байршуулан нийтэд ил тод, шуурхай зохион байгуулж ажиллалаа.

Тендерт шалгарсан болон шалгараагүй оролцогчийн талаарх

мэдээллийг Төрийн худалдан авах ажиллагааны цахим систем болох tender.gov.mn сайтын тендер шалгаруулалтын үр дүн гэсэн цэс болон байгууллагын самбар, шилэн дансанд тухай бүр оруулж байршуулан ажилсан.

Байгууллагын гадна байршуулсан самбар : Худалдан авах ажиллагааны ил тод, нээлттэй



байдлыг хангах зорилгоор төсөв, санхүү, тендерийн урилга бусад холбогдох мэдээллийг өөрийн мэдээллийн самбар, Төрийн худалдан авах ажиллагааны цахим сайт, Баянхонгор аймгийн албан ёсны www.bayanhongor.gov.mn, "Баянхонгор ТВ" зэрэг хэвлэл мэдээллийн байгууллагуудаар дамжуулан олон нийтэд мэдээлж ажиллав.

1.6. Авлигатай тэмцэх зорилго бүхий төрийн бүс байгууллага, иргэдийн сайн дурын хөдөлгөөнийг дэмжих, үйл ажиллагаандаа татан оролцуулах ажлын хүрээнд:

Хамтран ажиллах гэрээний хүрээнд:

Нийгмийн хариуцлагын хүрээнд Авлигатай тэмцэх газраас ирүүлсэн авлигын талаарх мэдээллийг зорчигчдод сонсгож, авлигын гэмт хэргээс урьдчилан сэргийлэх соён гэгээрүүлэх нөлөөллийн арга хэмжээг зохион байгуулахаар хот хоорондын автобус үйлчилгээний байгууллагууд нэгдэн хамтран ажиллах гэрээ байгууллаа.

Тус ажил нь "Авлигатай тэмцэх үндэсний хөтөлбөр"ийн хүрээнд АТГ-аас ирүүлсэн болон орон нутагтаа бүтээсэн авлигыг үл тэвчих, энэ


зорчигч тээвэрлэх үйлчилгээ үзүүлдэг "Баянхонгор Тээвэрчин" ХХК, "Лотот" ХХК-тай



хамтран ажиллах гэрээ байгуулан олон нийтэд хүргэхээр 1 сарын хугацаатай гэрээ байгуулан долоо хоногийн 4 өдөрт өдрийн 3 удаагийн нийт 36 удаагийн давтамжтайгаар Баянхонгор-Улаанбаатар-Баянхонгор чиглэлд 45 хүний суудалтай автобусанд зорчигчдод сурталчилсан.

Хамтран ажиллах төлөвлөгөөний хүрээнд:

Төрөөс ЖДҮ нарын үйл ажиллагаанд дэмжлэг үзүүлэн төсөл сонгон шалгаруулах, тус сангаас зээл олгохтой холбоотой хууль тогтоомжийн хүрээнд шийдвэр гаргах явцад төрийн үйлчилгээг иргэдэд түргэн шуурхай чирэгдэлгүй хүргэж, шударга ёсыг эрхэмлэн, ашиг сонирхлын зөрчлөөс ангид нийтийн эрх ашгийн төлөө ил тод нээлттэй байдлыг эрхэмлэн ажиллах мэдлэг ойлголтыг нэмэгдүүлэх зорилгоор Хууль эрх зүйн хэлтэс BEST хөтөлбөрийг аймагт хэрэгжүүлэгч **Хөгжлийн шийдэл ТББ-тай** хамтран Төрийн байгууллагуудын хөдөлмөр эрхлэлтийг дэмжих сан, төсөл хөтөлбөр хариуцан ажилладаг мэргэжилтнүүдэд **"Төрийн**



албан хаагчийн харилцаа ба ёс зүй", "Хандлага", "Нийтийн албан тушаалтанд тавигдах хориглолт хязгаарлалт" сэдвүүдийн хүрээнд мэдлэг ойлголтыг нэмэгдүүлэх сургалтыг

зохион байгуулсан.

**1.7.Байгууллагын удирдлагаас гаргаж буй шийдвэрийн ил тод,
нээлттэй байдлыг хангах ажлын хүрээнд:**

Иргэдэд нээлттэй ил тод, шударга байдлыг бий болгох зорилт тавин сул орон тооны зарыг

- Аймгийн www.bayanhongor.gov.mn цахим хуудас
- Төрийн албаны зөвлөлийн www.csc.gov.mn цахим хуудас
- www.facebook.com/ Баянхонгор аймаг дахь Төрийн албаны зөвлөлийн Салбар зөвлөл/ групп,
- Орон нутгийн 3 телевиз,
- www.facebook.com /Нээлттэй засаг-Нэг Баянхонгор/ зэрэг цахим хуудсуудад мэдээллийг тухай бүр байршуулан ажиллаж байна.

Аймгийн засаг дарга Д.Мөнхсайхан 20 сумын засаг даргад хамтран ажиллах батламж олгон, авлигагүй ажиллах талаар баталгаа гаруулав:

Аймгийн Удирдах ажилтны зөвлөгөөнийг АЗДТГ-аас 02 дугаар сарын 28-ны өдөр зохион байгуулж. Аймгийн засаг дарга 20 сумын Засаг дарга нартай Ажил орлоготой иргэн, Архигүй эрүүл өрх, Авлигагүй шударга төрийн төлөө хамтран ажиллах 10 зүйл бүхий үүргийг хүлээлгэсэн хоёр талын гарын үсэг бүхий батламжийг олголоо.

Мөн батламж, авлигагүй ажиллах баталгаанд



тусгасан хүлээсэн үүргийн хэрэгжилтийг жилд хоёр удаа ЗДТГ-аас тогтмол шалгаж үнэлгээ өгөх юм. Хэрэв Аймгийн Засаг дарга түүний Тамгын газраас өгсөн үүрэг даалгаврыг биелүүлээгүй, албан үүргээ хангалтгүй биелүүлэх, төсвийн хөрөнгийг үрэлгэн зарцуулах, архидан согтуурах, хууль зөрчин аливаа томилгоо хийх, иргэний язгуур эрхийг

хөндөх, ёс суртахууны доголдол гаргах, авлига, албан тушаалын гэмт хэрэгт холбогдох тохиолдолд Засаг даргын үүрэг ажлаас шууд татгалзаж зохих хууль тогтоомжийн дагуу шийтгэл хариуцлага хүлээлгэхээр заасан.

**1.8.Иргэдийн өргөдөл /санал, мэдэгдэл/, гомдол, хүсэлтийг хүлээн авах,
шийдвэрлэх шат дамжлагыг цөөрүүлэх, зөрчлийн талаарх мэдээллийг хүлээн авч**

шалгах ажлын хүрээнд:

Аймгийн Засаг даргын Тамгын газрын Төрийн үйлчилгээний нэгдсэн төвийн 70440001 дугаарын утсаар, www.bayanhongor.gov.mn вэб сайтаар, info@bayankhongor.gov.mn цахим шуудангийн хаягаар, Засаг даргын Тамгын газрын байр болон төрийн үйлчилгээний нэгдсэн төвийн байранд байрлах санал авах хайрцгаар мөн аймгийг Засаг дарга долоо хоног бүрийн Пүрэв гарагт иргэдийн хүлээн авч уулзаж, Төрийн захиргааны удирдлагын хэлтсийн Өргөдөл, гомдол, дотоод ажил хариуцсан ахлах мэргэжилтэн бичгээр тус тус иргэдийн өргөдөл, гомдол, санал хүсэлтийг хүлээн авч байна. Энэ оны 11 сарын байдлаар нийт 25679 өргөдөл ирснээс 24851 гомдол хүсэлтийг хуулийн хугацаанд шийдвэрлэн ажиллалаа.

1.9.Авлигын эрсдэл ба авлига гарах боломжийг бүүруулах ажлын хүрээнд:

"Иргэдийн мэдэх эрхийг хэрэгжүүлье" нөлөөллийн арга хэмжээг аймгийн 6 суманд зохион байгуулж төрийн албан хаагч, иргэд, ерөнхий боловсролын сургуулийн 8-12 дугаар ангийн сурагчдаас бүрдсэн 1036 хүнийг хамруулаад байна. Тус арга хэмжээний хөтөлбөрт тусгагдсаны дагуу "Нийтийн албан тушаалтанд тавих хориглолт хязгаарлалт" сэдвээр 215 төрийн албан хаагчийг хамруулан авлигын талаарх мэдлэг ойлголтыг нэмэгдүүлэн **Авлигатай тэмцэх газрын пэйж хуудас, АТГ- Олон нийтийн төв** зэрэг албан ёсны хуудсуудад нэгдэхийг уриалан 1020 төрийн албан хаагчийг нэгдүүлж 200 ширхэг **ТАТ, ТҮЛХ** хаалганы наалтыг тараан сурталчилж ажиллалаа.



Авлигатай тэмцэх газраас Авлигатай тэмцэх үндэсний хөтөлбөрийг хэрэгжүүлэх хүрээнд сургагч багш бэлтгэх сургалтад АЗДТГ-ын Авлигатай тэмцэх үндэсний хөтөлбөр хариуцсан Хууль эрх зүйн хэлтсийн мэргэжилтэн хамрагдаж мэдлэг ойлголтоо сайжруулсан.

Төрөөс иргэдэд олгодог бүх төрлийн үйлчилгээг цахим хэлбэрээр үнэ төлбөргүй хүргэх,



төрийн байгууллагатай холбоотой гомдол саналыг цахим хэлбэрээр хүлээн авч иргэдэд хүргэж үйлчилгээг ойртуулах зорилгоор нэвтрүүлж байгаа "E-mongolia" программыг нэвтрүүлэн

ажиллалаа.

Цахим боловсрол олгох “Дижитал Баянхонгор” нээлттэй өдөрлөгт төрийн болон орон нутгийн өмчит байгууллага, банк санхүү, үүрэн холбооны операторуудын нийт 46 байгууллага нэгдэн оролцож, иргэдэд өөрсдийн чиглэлээр бүх төрлийн мэдээлэл, лавлагаа, үйлчилгээ, зөвлөгөө газар дээр нь шуурхай хүргэж ажилласан бол манай иргэд технологийн дэвшил, түүний хэрэглээ, үр ашгийн талаар тодорхой ойлголтууд, мэдээлэлтэй болсон.

Аймгийн Засаг даргын Тамгын газрын Хууль, эрх зүйн хэлтэс Монголын Өмгөөлөгчдийн холбооны Баянхонгор аймгийн салбартай хамтран иргэдийн эрх, хууль ёсны ашиг сонирхлыг хамгаалах зорилгоор иргэдэд хууль зүйн үнэ төлбөргүй зөвлөгөө өгөх “Хуульчийн Про



Боно өдөр-2022” өдөрлөгийг зохион байгуулж, хууль зүйн үнэ төлбөргүй зөвлөгөө, шүүх дэх эвлэрүүлэн зуучлагчид өргөдөл хүлээн авч зөвлөгөө өгөх, нотариатын үйлдэлтэй холбоотой зөвлөгөө, мэдээлэл, баримт бичгийн хуулбар үнэ төлбөргүй батлах, хүний эрхийн зөрчилтэй холбоотой зөвлөгөө, өргөдөл, гомдол хүлээж авах, эрүү, Иргэний Шүүхийн шийдвэр гүйцэтгэх ажиллагааны талаар мэдээлэл, Нийгмийн даатгал, Хөдөлмөр халамжийн байгууллагаас олгодог тэтгэвэр, тэтгэмжтэй холбоотой зөвлөгөө мэдээлэл гадаад паспортын захиалга хүлээн авах зэрэг үйлчилгээнүүдийг үнэ төлбөргүйгээр хүргэж ажилласан.

Иргэдийн мэдэх эрхийн хүрээнд Аймгийн Засаг даргын Тамгын газрын баруун Авлигатай тэмцэх газрын 110 мэдээллийн самбарыг сум, байгууллагууд байгуулж иргэдийн санал хүсэлтийг хүлээн авах хайрцаг ажиллуулсан байна. Он гарсаар тус хайрцагт авлигатай холбоотой санал, гомдол ирүүлээгүй үйлчилгээний талаар талархсан сэтгэгдэл 3 ирснийг тухай албан хаагчид хүлээлгэн өгч мэдээллийг тогтмол шинэчлэн ажиллалаа.

ТАНИЛЦСАН
АЙМГИЙН ЗАСАГ ДАРГА Д.МӨНХСАЙХАН

ХЯНАСАН:
ХУУЛЬ, ЭРХ ЗҮЙН ХЭЛТСИЙН
ДАРГА Д.САРАНГАРАВ

НЭГТГЭСЭН
ХУУЛЬ, ЭРХ ЗҮЙН ХЭЛТСИЙН
МЭРГЭЖИЛТЭН Э.ЗОЛЗАЯА